

IMINMELAUHCAYO TLACAQUINIMEH

In **Ley Federal de Telecomunicaciones y Radiodifusión**, ipan **Artículo 256**, quitenehua catlen iminmelauhcayo in Tlacaquinimeh; xiquixmati:

- Quicelizque programas tlen quinextia in nepapan tlanemiliztli, tlanahuatihcayotl, altepenemiliztli, yuhcatiliztli huan tlatlaman tlahtolli ipan Totlalnanzin;
- Quicelizque cualli huan tlatlaman programación itechpa nepapan huan tlatlaman tlanemiliztli huan tlanehnehuiliztli tlen quichicahuaz in altepenemiliztli;
- In tepoztenahuatilineh mah amo quitamacacan cequin tenahuatilli itechpa tlatemancayotl tlen monextia in yuh itenahuatil periodística nozo noticiosa, ihcuac ce tepoztenahuatiline quinextia iihcic iprogramación informativa ce itlatemoliz nozo ce tlatenonotzaliz ce editorial tlen icauhca quiyacana ce tenahuatiani, yeceh in quenin monextia nochi inon amo quimatin in tlacaquinimeh. Itech iCódigo de Ética, in epoztenahuatilineh quihtozque catlen tlamantli huan tequitl quichihuazque ihcon amo quichihuazque itlah tlen amo tecahuilia in yuh nican motenehua;
- Mah moahxilti in imincauhca, iminiman in programas huan mah iciuhca quinquatican in tlaa monequi itlah mocuepaz huan noihqui mah tenahuatican itechpa avisos parentales;
- Mah onca melauhcayo ic motlahtolehuaz, in quenin moihtoa tlanahuatilli;
- Mah mopialo icuallo huan iyectiliz in audio huan video ihcuac mochiuhtica programación, noihqui ihcon mocahuaz ipan espacios publicitarios;
- Itechpa inetlayecoltiliz radiodifusión amo huel ixtlahuelitaloz nion onyez cualancayotl inelhuayo, icihuayo, ioquicho, ixihca, icocoliz, itomincayo, icocoliz, itlaneltoquiliz, itlanemiliz, ipactiliz itechpa aquin quitlazohtlaz, inenamictiliz nozo occe inezca ce tlatatl tlen ipampa quiixtlahuelitazque nozo quimahuizpolozque;
- Monequi mahuztilloz iminmelauhcayo in tlaacah, iminmahuztiliz pipiltin, in zan ihcuatic nemizque in cihuah huan in oquichtin no ihcon amo acah ixtlahuelilloz, noihqui
- Occequin tlanahuatilli tlen occecan moahci, huan zan ipan moahci.

Noihqui, in tlahtolnamiquiliztli ica **Artículo 258** ipan Ley Federal de Telecomunicaciones y Radiodifusión, in tlacaquinimeh tlen ohui moolinian huel quipiazque inin tlamán iminmelauhcayo:

- Quipiazque inetlayecoltiliz tlahtolcuelpaliztli, inecuelpaliz coyotlahtolli huan mexihca mamachiyotlahtolli ihcon tlaahcicamatizque in aquinque nacaztapaltzintin. Inon tlamán tetlayecoltiliztli monequi mochihuaz itech cequin programas noticiosos tlen miaqueh tlaacahquiitazque nozo quicaquizque ipan nochi totlalnanzin;
- Mah mahuztililo iminhueliliz, imintequih huan imintlalnamiquliz in tlaacah, noihqui moihtoz ica nel motelnequi quintlayecoltizque huan quintlepanitazque;
- Quipiazque ce tlamán in quenin ihcon huel quinextizque imintlahtlanil, imintlahtol huan iminnecuehmolol quicaquizque imintepalehuihcahuan in tlacaquinimeh, yeceh monequi amo quipanahuiz ce hueytequitl nozo ce hueyitlachihualiztli tlen monequi quichihuaz in tepoztenahuatiline, huan
- Cualli quimatizque guía de programación itechcopa ce tepoztenonotzaloni itlapohual nozo iamaixco Internet iminaxca tepoztenahuatilineh ica ce amatl nozo ce tlamachiyotl tlen cualli quitequitiltizque in cocoxcatzintin.